


佛頂尊勝陀羅尼經

百六十九  
知五

48466



佛說佛頂尊勝陀羅尼經第五

知

唐三藏法師

義淨奉

制譯

如是我聞一時薄伽梵在室羅筏城逝多林  
給孤獨園與大苾芻衆千二百五十人俱喜  
薩摩訶薩萬二千人俱於其夜時三十三天善法  
堂會有一天子名曰善住與諸大天并諸天  
女前後圍遶受勝尊貴歡娛遊戲種種天樂  
共相娛樂受諸快樂於其夜時善住天子於其夜  
分聞有聲言善住天子却後七日汝欲命終  
於此沒後生贍部洲便受七反傍生之身次  
受地獄苦從地獄出希得人身生貧賤家處  
於母胎即無兩目善住天子聞此聲已身毛

皆豎生大怖懼愁憂不樂惶怖無計即便速  
疾往詣天帝釋所悲號啼哭頂禮天帝二足  
尊而白帝釋曰唯願天尊聽我所說我與天  
女共相圍遶受快樂時聞有聲言善住天子  
却後七日命將欲終命終之後生瞻部洲便  
受七反傍生之身次受地獄苦從地獄出希  
得人身生貧賤家在母胎中即無兩目我聞  
斯語惶怖無計云何令我得免斯苦  
尔時天帝釋聞善住天子語已甚大驚愕諦  
想思惟此之善住受何七返惡趣之身須臾  
靜住妄想諦觀便見善住當受七返惡趣之  
身所謂猪狗野干猕猴蟒蛇烏鷲等身食諸

穢惡不淨之物尔時帝釋觀見善住天子當  
墮七返惡趣身已極軫慈念愁憂苦惱痛貫  
身心諦思何計何所歸依誰能覆護得免斯  
苦復作是念唯有如來應正等覺大慈悲父  
令其善住免斯苦耶尔時帝釋作是念已於  
初夜分以種種花香天妙衣服以自莊嚴  
持華香往逝多林詣世尊所恭敬供養頂禮  
雙足遶七匝已長跪合掌而白佛言善住天  
子聞有聲言却後七日命終而受七返傍生  
惡趣之身聞此語已極懷憂苦痛貫於心世  
尊大慈哀愍利益云何令得免斯苦耶  
尔時世尊聞此語已即便微笑於其頂上放

種種光遍照三千大千世界還至佛所若佛  
世尊說過去事光從背入若說未來事光從  
脅入若說地獄事光從足下入若說傍生事  
光從足跟入若說餓鬼事光從足指入若說  
人事光從膝入若說力輪王事光從左手掌  
入若說轉輪王事光從右手掌入若說天事  
光從齋入若說聲聞事光從口入若說獨覺  
事光從眉間入若說阿耨多羅三藐三菩提  
事光從頂入是時光明還至佛所遶佛三匝  
從佛口入尔時世尊告帝釋曰天帝有陀羅  
尼名爲如來佛頂尊勝能淨一切惡趣生死  
苦惱又能淨除一切地獄焰摩王界傍生之

苦又破一切地獄之業迴趣善道天帝此佛  
頂尊勝陀羅尼不可思議有大神力若復有  
人一經於耳先世所造一切惡業悉皆消滅  
當得清淨勝妙之身隨所生處憶持不忘從  
一佛土至一佛土從一天界至一天界乃至  
遍歷三十三天所生之處憶持不忘復次天  
帝若人欲歿頃臾憶念此陀羅尼還得增壽  
身口意淨亦無苦痛隨其福利悉蒙安隱亦  
令一切如來之所瞻視一切天神常爲侍衛  
人所敬重惡障消除一切菩薩同爲覆護若  
有男子女人須臾讀誦持此陀羅尼者當知  
此人所有三惡道苦破壞消滅無有遺餘諸

佛淨土及諸天宮一切菩薩甚深行願隨意  
遊入悉無障礙是時帝釋一心樂聞

尔時薄伽梵觀察帝釋心之所念以大慈悲  
心說是陀羅尼法即說呪曰

南謨薄伽伐帝 唵哩盧枳也 鉢喇底毗

失瑟吒引也 勃陀引也 薄伽伐帝怛姪

他 唵毗輸馱唐左也 颯麼三曼多 阿

娑婆引娑 颯發囉拏揭底唵喝娜 瑣婆

引娑毗忒商律反 睇阿毗誥者覩漫引 蘇

揭多跋囉跋者那阿蜜栗多鞞師計 痾引

同唱囉痾唱囉 痾愈珊陀引 喇你 輸馱

也輸馱也伽伽那毗忒睇 烏瑟膩沙 毗



逝也忒睇引

索訶薩囉曷嚩濕弭珊末地

帝薩婆

上怛

他揭多

阿地瑟佗

引娜

阿地瑟取頌

下同反

沒姪嚩

跋折囉

引迦

也僧喝旦娜忒睇

薩婆痂伐喇拏毗忒

睇鉢喇底你跋戴也

阿愈忒睇

三麼

耶阿地瑟取帝

末你末你麼末你

但闍

多步多孤檄

鉢喇忒睇

鼻窳怖吒勃地

忒睇逝也逝也

鼻逝也鼻逝也

三末

羅三末囉

薩婆勃陀

阿地瑟取多忒睇

跋折嚩跋折囉

引揭鞞

跋折藍婆跋覩

麼麼阿目羯寫

自稱名

薩婆薩埵難

引者

迦也毗忒睇

薩婆揭底鉢喇忒睇

薩婆

怛他揭哆 三摩忒和娑阿地瑟恥帝 勃

陀勃陀 反停也 菩馱也菩馱也 三曼須鉢

唎忒睇 薩婆怛他揭頌 阿地瑟佗 引 娜

阿地瑟 恥帝莎訶 此呪比多翻譯傳誦者衆

故更重勘梵 本一一詳定

尔時世尊說此陀羅尼已告帝釋曰此陀羅

尼印名淨除一切惡趣佛頂尊勝陀羅尼法

亦能除滅一切罪業等障能破一切穢惡道

苦天帝此陀羅尼八十八彌伽沙俱脛百千

諸佛同共宣說隨喜受持以大如來智印印

之為破一切有情三惡趣網為令一切地獄

傍生琰摩王界之所有情而得解脫衆苦逼

迫墮生死海有情得解脫故亦令短命薄福  
現無救護衆生樂造雜染惡業有情得饒益  
故此陀羅尼於瞻部洲任持力故又令邪見  
不信善惡三惡趣中種種流轉生死苦惱薄  
福有情迷失正路如是等類無不蒙益悉令  
解脫衆苦重擔

佛告天帝我今宣說此陀羅尼付囑於汝汝  
當授與善任天子令其受持讀誦思惟愛敬  
供養憶持莫忘亦令瞻部洲中一切有情廣  
宣流布此陀羅尼利益無量亦爲一切諸天  
子等說此大陀羅尼印付囑於汝天帝汝當  
正意憶持勤加守護勿令忘失

復次天帝若復有人須臾得聞此陀羅尼千劫已來積集重障惡業之罪應受種種生死流轉地獄餓鬼傍生琰摩王界阿蘇羅身藥叉鬼神布單那羯吒布單那阿波娑摩囉蚊蚩龜狗蟒蛇等身一切諸鳥及諸猛獸一切有情乃至蟻子之身更不重受便得轉生諸佛世尊一生補處菩薩同會一處或得大姓婆羅門家生或生刹帝利種及以豪貴最勝家生天帝此人身等如上勝處生者皆由聞此陀羅尼故隨所生處皆得清淨勝妙之身天帝如是果報乃至菩提最勝之處皆由讚歎此陀羅尼殊勝功德

天帝此陀羅尼名爲吉祥何以故能除一切  
三惡道故此佛頂尊勝陀羅尼猶如日蔽摩  
尼之寶淨無瑕翳猶若虛空光焰照徹無不  
周遍若諸有情淨心持此陀羅尼者亦復如  
是如善好金明淨柔軟令人喜見不爲穢惡  
之所染著亦如蓮花飛塵不染天帝持此陀  
羅尼者亦復如是乘此淨業必生善趣天帝  
此陀羅尼隨所方處若能如是書寫受持聽  
聞讚誦恭敬供養者一切惡道皆得清淨諸  
地獄苦速能消滅

天帝若有男子女人書寫此陀羅尼安高幢  
上或安高山或置樓臺乃至安置窰堵波中

天帝若有苾芻苾芻尼鄔波斯迦  
族姓男女於前幢等或時遙見  
或與相近其影映身或復風吹  
陀羅尼等幢上輕塵落在  
身者天帝彼諸衆生所有罪業  
應墮惡道地獄餓鬼傍生琰摩  
王界阿蘇羅身衆惡之苦皆悉  
不受亦復不爲罪垢滌汙天帝  
此等有情一切諸佛之所授記  
皆得不退轉於阿耨多羅三藐  
三菩提天帝何況更以種種華鬘  
塗香末香幢幡華蓋衣服瓔珞  
作諸伎樂種種莊嚴於四衢道  
造窰堵波安置陀羅尼合掌恭敬  
旋遶周行歸命禮拜天帝彼人能  
如是供養者名曰摩訶薩埵真是  
佛子持法揀

梁又是如來全身舍利窣堵波塔

尔時琰摩法王於夜初分來詣佛所以種種  
妙衣種種華香塗香末香栴檀沉水恭敬供  
養遶佛七帀禮雙足已而作是言我聞如來  
演說大力陀羅尼法讚持功德不可思議世  
尊大慈憐愍利益罪苦衆生世尊我常隨逐  
守護不令持者墮於地獄由彼隨順如來言  
教而護念之

尔時護世四大天王遶佛三帀在一面立白  
佛言世尊唯願如來重為我等廣說陀羅尼  
法尔時世尊告四大天王曰汝等諦聽我當  
為汝演說持此陀羅尼法亦為短命諸有情

說若欲受持當淨洗浴著新淨衣始從白月  
一日乃至圓滿十五日時齋戒一心誦陀羅  
尼滿其千遍令短命者命還增續永離病苦  
一切業障悉能消滅一切地獄之苦一切鳥  
獸乃至有命之類聞此陀羅尼聲一經於耳  
盡此身已更不復受一切衆苦佛言若復有  
人忽遇惡病衆苦逼迫聞此陀羅尼者即得  
永離一切惡病衆苦消滅若應墮在惡道亦  
得解脫即得往生妙喜世界盡此身已後更  
不受胞胎之身所在之處蓮花化生隨其所  
生常得宿命憶持不忘

佛言若復有人先造一切極重業已遂即命



終由此惡業應墮地獄或墮傍生琰摩王界  
餓鬼之趣乃至墮在捺洛迦中或生水中或  
作禽獸種種之身取其亡者隨身分骨淨土  
一把以陀羅尼呪之二十一遍散於骨上云  
者生天佛言若人常能日日誦此陀羅尼滿  
二十一遍應消一切世間殊勝供養捨身往  
生極樂世界若常誦念復增壽命受諸快樂  
捨此身已即得往生種種微妙諸佛刹土常  
與諸佛俱會一處一切如來常爲演說微妙  
之法一切諸佛授菩提記身光照曜一切刹  
土乃至獲得無上涅槃

復次若欲誦此陀羅尼法於其佛前先取淨

土作壇隨其大小正方而作以種種草華散  
於壇上燒衆名香雙膝著地或時蹲踞心常  
念佛作慕陀羅尼印先屈頭指以大母指押  
然後當心合掌誦陀羅尼滿一百八遍於其  
壇中猶如雲王兩種種華能遍供養八十八  
俱胝彌伽沙數那庾多百千諸佛彼佛世尊  
咸共讚言善哉善哉此爲希有真是佛子證  
得無障礙智三昧及菩提心莊嚴三昧持此  
陀羅尼者應如是作

佛言天帝我以善巧方便若有一切衆生應  
墮地獄即令解脫一切惡道亦得清淨消滅  
無餘復令持者增益壽命天帝汝今將我陀

羅尼法授與善任天子即令持誦滿七日已  
汝與善任俱來見我

尔時天帝釋於世尊前親受陀羅尼法奉持  
憶念還於本宮授與善任天子尔時善任天  
子受得此陀羅尼法已滿六日六夜依法受  
持一切願滿先應受彼一切惡趣之苦即時  
解脫任菩提分增益壽命無量福業應時雲  
集慶悅無量高聲唱言希有如來說斯妙法  
希有明驗甚大難量大悲世尊能為我等及  
諸有情說此神呪令我解脫惡趣之苦  
尔時天帝釋至七日已與善任天子及諸天  
衆嚴飾華鬘寶以妙香寶幢幡蓋天衣瓔珞

微妙莊嚴來詣佛所作供養已以天妙衣及諸瓔珞奉上世尊遶百千匝踊躍歡喜在一面坐瞻仰尊容目未曾捨

尔時世尊舒金色臂便以百福莊嚴眾相具足無畏右手摩善住天子頂而為說法授善提記佛告善住天子曰此陀羅尼印名為淨

除一切惡趣佛頂尊勝陀羅尼汝應受持尔時善住天子及天帝釋諸來天眾一切大會聞佛說已皆大歡喜信受奉行

佛說佛頂尊勝陀羅尼經第五

知

佛頂尊勝陀羅尼經

軫之忍反憂慮也發蒲末反嗟喝呼曷反娜乃反可睇



